



UNIVERSITÄTS-
BIBLIOTHEK
PADERBORN

Universitätsbibliothek Paderborn

Praxis Et Brevis Declaratio Viæ Spiritvalis

Palma, Luis de la

Antverpiae, 1637

De secundo Puncto, & secundo gradu amoris Dei.

[urn:nbn:de:hbz:466:1-50934](#)

summo affectu ad mandatorum eius obseruantiam se accingere : quod voluntatis est ; vt in tertîâ Notâ. Et sic in sequentibus Punctis procedendum est.

P V N C T V M S E C V N D V M.

Secundus amoris gradus est , non tantùm se suaque omnia ad diuinæ voluntatis obsequium obtulisse , sed etiam omni cum actuali reuerentiâ & consideratione (quantum miseri huius exilij status,& diuinæ gratiæ fauorisque lumen permittit) Deum sibi præsentem statuere . Nam sicut Regis alicuius subditi fideles , qui se totos eius obsequiis & obedientiæ manciparunt , non omnes illi adsunt , aut in eius familiâ coram eo versantur ; sic omnes qui Deum amant , eiusque se seruicio consecrarunt , non semper in eius præsentiâ cum actuali attentione assistunt. Et sicut cùm aliquis semper suo Principi adest , animi eius sensa , etiam in rebus minimis & particularibus , ex eius vultu facile percipit ; sic fructus , qui

ex

ex illâ actuali præsentîâ hauritur , ille
præcipuus est , ex luce diuini eius aspe-
ctus accipere clariorèm beneplaciti eius
cognitionem , quod maximè iis in votis
est , qui illud explere desiderant ; iuxta
illud **Coloss. 1.** *Non cessamus pro vobis
orantes , & postulantes ut impleamini
agnitione voluntatis eius. Ut ad gradum
hunc amoris perueniamus , multum iu-
uabit secundum Punctum huius Exer-
citij : in quo*

NOTANDVM , Quòd materia eius
sit , in memoriam reuocare , & consi-
derare , quomodo Deus in suis creatu-
ris existat : & quòd non solum eis be-
neficia præstet , sed illis etiam per se
præsens sit , quòd illas conseruet : ele-
mentis , dando illis *ut sint ; plantis ve-
rò , ut per vegetationem quoque viuant ;*
*animalibus , insuper ut sentiant ; homi-
nibus postremò , ut simul etiam intelli-
gant .* Quia verò plus propriis moue-
mur beneficiis quàm alienis , intelle-
ctu ponderandum est , quomodo om-
nes existendi gradus , qui in reliquis
crea-

creaturis sparsim inueniuntur , in homine simul collecti reperiantur , omniumque eorum ratione Deus præfens fit : in me , dando ut sim , vt viuam , vt sentiam & intelligam . Quæ omnia beneficia sunt spectantia ad creationem . Et super omnia , me *templum quoddam suum efficere voluit* : qui particularis quidam modus est , quo Deus homini , & non aliis creaturis corporalibus , præfens est : quia in homine , tamquam Dei imagine & similitudine , innotescit Deus , creditur , & amatur , coliturque velut in suo templo . Porrò cum Deus homini tam arctè per suam præsentiam se communicauerit , restat , ut homo in se reflexus tanto beneficio respondeat , in Dei se semper præsentia statuens , oculis illum suis repræsentans , certoque sibi persuadens , in ipsius semper se oculis versari : vnde sequitur , quod in primo amoris gradu homo se totum Deo eiusque diuino beneplacito offerat ; in hoc autem secundo ulterius procedit , quia magis

se

se diuinæ Maiestati per eius præsentiam
coniungit, lumenque accipit, quo, quid
maximè eius diuinæ voluntati circa
suas actiones gratum sit, clarè cognoscat.

P V N C T V M T E R T I V M.

Tertius amoris gradus est, voluntatem Dei executioni mandare in Dei præsentiâ, & cum hominibus sic conuersari, ut illa cum Deo familiaritas non intermittatur, & ita laborare, ut nullam internæ quietis iacturam incurrat; ita ut præsentiæ Dei addatur executio voluntatis Dei. Hoc ipsum inuenitur in Dei erga nos amore, ut benè S. Pater noster in tertio Puncto his verbis: *Tertium est, considerare eumdem Deum ac Dominum propter me in creaturis suis operantem & laborantem quodammodo, id est, habentem se ad modum laborantis, quatenus dat ipsis, conservatq; id quod sunt, habent, possunt atque agunt. quæ omnia, ut supra, in mei considerationem reflectenda erunt. Ut intel-*

ligam